



Staten van Aruba



Na Presidente di Parlamento di Aruba
Dhr. mr. E.G.A. Vrolijk
L.G. Smith Blvd. 72
Oranjestad,
Aruba

Oranjestad, 05 augustus 2021

Pa medio di es carta suscrito kier a pidi Señor Presidente pa dirigi e 17 preguntanan aki na Ministro Presidente sra. Mr. Evelyn Wever-Croes y na Ministro di Enseñasa sr. Armando Lampe.
Suscrito ta desea di haya contesta por escrito riba su preguntanan.
Gradiciendo di antemano pa e cooperacion, suscrito ta keda,

Atentamente,

Miguel J. Mansur
Lider di Fraccion
ACCION 21



Staten van Aruba
Lider di Fraccion ACCION 21
Miguel J. Mansur

Preguntanan por escrito di miembro di Parlamento, sr. Miguel J. Mansur, na Minister Presidente sra. mr. E. Wever-Croes y na Minister di Enseñansa sr. A. Lampe, conforme articulo III.17 di Staatsregeling y conforme artikel 59 di Reglement van Orde van de Staten van Aruba.

Faltando algun dia mas pa e aña escolar 2021-2022 cuminsa y teniendo cuenta cu interes di tur estudiante, suscrito kier a haci e siguiente preguntanan:

1. Por a tuma nota ayera cu tabatin 123 caso nobo y 630 caso activo di Covid-19 na Aruba. Ministronan por informa Parlamento si acaso a tuma medidanan preventivo pa alumnonan como maestronan y si ta asina, kiko e medidanan aki ta encera, ki dia nan a wordo implementa y pa cuanto tempo?
2. Tin entendi cu tin scarsedad di maestro. Ministro por a informa Parlamento si tur scol (basico, MAVO, HAVO, EPI, EPB etc.) aki na Aruba lo tin capacidad completo pa inicio di aña escolar 2021-2022?
3. Ministro por a informa Parlamento cua scolnan falta docente, cuanto docente y den cua vaknan?
4. Ministro por informa Parlamento kiko lo pasa cu e curriculum pa e studiantenan cu lo inicia aña escolar sin nan docente di un of mas vak? Kiko ta e medidanan cu lo bai wordo tuma pa e studiantenan aki no wordo perhudica den nan studio?
5. Ministro por informa Parlamento si tur e scolnan na Aruba ta den bon estado pa ricibi e studiantenan pa e aña escolar 2021-2022?
6. Si no ta asina, Ministro por informa Parlamento cua scolnan specifico no ta den un bon estado y por menciona kiko ta e deficiencianan di esakinan?

7. Ministro por informa Parlamento cua scolnan ainda no ta ubica na nan localidad, na unda nan ta aloca actualmente, cuanto tempo nan tin eynan, cuanto ta e huur cu ta paga pa e localidadnan aki y kiko ta e plannan pa cu e scolnan aki pa futuro?

8. Ministro por informa Parlamento si material escolar suficiente ta na lugar pa e scolnan y studiantenan pa e aña escolar 2021-2022? Tur e bukinan a wordo bestel na tempo pa asina e studiantenan por obtene esakinan na tempo?

9. Mirando e situacion financiero precario di hopi mayornan desde cu e pandemia a manifesta su mes aña pasa, Ministro por informa Parlamento si gobierno lo bay considera un rebaho of subsidio di pago di schoolgeld, boekenfonds y schooluniform pa esnan cu no tin entrada pa cubri e gastonan aki?

10. Ministro por informa Parlamento si gobierno ta considera pa subsidia e laptop cu studiantenan di Colegio Arubano mester adkiri tambe pa mayornan cu ta desemplea y/o no tin suficiente recurso financiero pa paga esaki?

11. Ministro por informa Parlamento si e Leerplicht tambe ta in place pa e aña escolar 2021-2022? Y si no ta asina, Ministro por informa Parlamento kiko ta e obstaculonan cu tin pa ehecucion di Leerplicht pa e aña escolar 2021-2022? Kiko Ministro su plan ta pa resolve esakinan?

12. Ministro por informa Parlamento si e grandura di e klasnan pa e aña escolar 2021-2022 ta cuadra cu e normanan stipula y di cuanto estudiante ta papia aki pa cada klas y si esaki ta valido pa tur scol?

13. Ministro por informa Parlamento cuanto alumno tin total pa cada scol basico, MAVO, HAVO, VWO, EPI, EPB etc. y si por suministra un grafico/tabel di esaki?

14. Teniendo cuenta cu landspakket ta inclui regularisa indocumentadonan, Ministro por informa Parlamento cuanto e cantidad di indocumentado ta actualmente y di esaki por suministra Parlamento

un tabel reflehando cuanto di e indocumentadonan aki ta adulto y menornan, cuanto ta homber y cuanto ta muher?

15. Ministro por informa Parlamento kiko e maneho ta na e diferente scolnan pa cu alumnonan cu no tin recurso pa bin cu un sandwich scol of cu ta bin scol sin desayuna?

16. Teniendo cuenta cu e pandemia y e situacion financiero precario, Ministro por informa Parlamento si studiantenan por sigui hanja subsidio pa cu transporte escolar cu bus? Ministro por informa Parlamento e cantidad di studiantenan cu ta aplica pa esaki y suministra Parlamento cu un tabel pa e cantidad di aplicacion pa aña escolar y cuanto a wordo otorga durante e ultimo 4 añanan?

Sperando di por ricibi, mas pronto cu ta posible, e contestanan por escrito riba su preguntanan, suscrito ta keda,

Atentamente,



Miguel J. Mansur
Lider di Fraccion ACCION 21